

BOSNA I HERCEGOVINA
FEDERACIJA BOSNE I HERCEGOVINE
Kanton: BOSANSKO-PODRINJSKI
Općinski sud u Goraždu

Broj: 045-0-Reg-23-000084
Dana, 04.12.2023. godine

Općinski sud u Goraždu, sudija Radmila Đajić, u postupku brisanja iz sudskog registra subjekta "EDINPORT" d.o.o. Goražde, rješavajući po službenoj dužnosti na osnovu člana 73. stav 5. Zakona o registraciji poslovnih subjekata u FBiH (»Službene novine FBiH«, broj 27/05, 68/05, 43/09 i 63/14), dana 04.12.2023. godine, donio je

RJEŠENJE

Briše se iz sudskog registra subjekt upisa "EDINPORT" društvo sa ograničenom odgovornošću za trgovinu i usluge Goražde, sa sjedištem u Goraždu u ulici 43. Drinske brigade br. 12, upisan u matični reg. uložak broj MBS: 1-250.

Obrazloženje

Rješenjem Općinskog suda u Goraždu broj 45 0 St 039248 21 St od 19.08.2021. godine, pravosnažno dana 17.12.2021. godine, kojim je odbijen prijedlog za otvaranje stečajnog postupka, zbog nedostatka stečajne mase, naloženo je Odjeljenju za registar ovog suda da izvrši brisanje upisa pravnog lica "EDINPORT" d.o.o. Goražde, koji se vodi kod Općinskog suda Goražde, upisan sa matičnim registarskim brojem MBS: 1-250.

Uvidom u prednje rješenje i prednji registarski uložak, utvrđeno je da predmetno rješenje o određivanju brisanja u cjelosti odgovara podacima o subjektu upisa iz navedenog reg. uložka, a čije se brisanje traži.

Članom 73. stav 5. Zakona o registraciji poslovnih subjekata u FBiH (»Službene novine FBiH«, broj 27/05, 68/05, 43/09 i 63/14) propisano je da poslije zaključenja postupka likvidacije, odnosno stečaja, likvidator, odnosno stečajni upravnik dostavlja nadležnom registarskom sudu pravomoćno Rješenje Suda o zaključenju postupka likvidacije, odnosno postupka stečaja. Na osnovu tog rješenja registarski sud će, po službenoj dužnosti, brisati subjekt upisa iz sudskog registra.

Imajući u vidu naprijed utvrđeno činjenično stanje i zakonske odredbe, Sud je odlučio kao u dispozitivu ovog rješenja.

Sudija/Sudac:

Radmila Đajić

Pravna pouka:

Protiv ovog rješenja može se izjaviti žalba u roku od 8 (osam) dana od dana prijema Rješenja. Žalba se izjavljuje Kantonalnom sudu u Gorazdu, a podnosi se putem ovog suda.